

# Mga pagtulun-an bahin sa Balaod sa Manluluwas sa Ikapulo

Tun-i ang mosunod nga mga kapanguhaan, nga mangita kon unsay pwedeng modasig nimo o sa uban sa pagtuman sa balaod sa ikapulo.

Mga Kasulatan:

Malaquias 3:8–10; Juan 7:17; Doktrina ug mga Pakigsaad 119:5–7

Mga pamahayag ug uban pang kapanguhaan:

Si Presidente Steven J. Lund, Kinatibuk-ang Presidente sa Young Men, mitudlo:



Kon ang kabatan-onan mobayad og hingpit nga ikapulo, sila nagporma og sumpay ngadto sa Langitnong Amahan nga magpabilin. Matag higayon nga sila mosunod niana nga sugo ug mohimo niana nga pagbayad, usa ka bag-o nga talikala sa sakripisyo ug koneksyon ang naporma. (Steven J. Lund, “Seminary, Institute, ug Ubang mga Butang nga Epektibo” [pakigpulong nga gihatag sa tinuig nga pagbansay sa pagsibya sa mga Seminary ug &mga Institute, Ene. 27, 2023], [broadcasts.ChurchofJesusChrist.org](https://broadcasts.ChurchofJesusChrist.org))

*Ang Alang sa Kalig-on sa mga Kabatan-onan: Usa ka Giya sa Paghimo og mga Pagpili* nagtambag:

Pagpakita og gugma sa Dios pinaagi sa pagtuman sa lyang mga sugo. . . .

. . . Samtang kamo magpuasa ug mobayad og mga ikapulo ug mga halad, inyong ipakita sa Dios nga ang lyang buhat mas importante kaninyo kay sa materyal nga mga butang. (*Alang sa Kalig-on sa mga Kabatan-onan: Usa ka Giya sa Paghimo og mga Pagpili* [2022], 11–12)

Samtang nag-alagad isip sakop sa Seventy, si Elder Stanley G. Ellis nangutana:



Aduna ba kitay *hugot nga pagtuo* sa pagsalig sa mga saad [sa Ginoo] kalabot sa ikapulo nga sa 90 porsyento sa atong tubo *uban sa tabang sa Ginoo*, mas maayo pa kaysa 100 porsyento nga *nagkinaugalingon*? (Stanley G. Ellis, “Misalig ba kita Kaniya? Ang Kalisud Makaayo,” *Liahona*, Nob. 2017, 114)

Si Elder David A. Bednar sa Korum sa Napulog Duha ka Apostoles mitudlo:



Kasagaran kon kita motudlo sa balaod sa ikapulo, atong hatagan og gibug-aton ang diha-diha, madramahon, ug daling maila nga temporal nga mga panalangin nga atong madawat. Ug tuod ang mao nga mga panalangin mahitabo. Apan pipila sa lain-laing mga panalangin nga atong nadawat samtang kita nagsunod niining sugo importante apan dili dayon makita. . . .

Sama pananglit, ang dili dayon makita apan importante nga panalangin nga atong nadawat mao ang espirituhanong gasa sa pasalamat sa mga butang nga anaa nato nga makakontrolar sa atong tinguha sa mga butang nga dili kinahanglanon. . . .

Usahay kita mangayo sa Dios og kalamposan, ug hatagan kita Niya og kalig-on sa pisikal ug sa hunahuna. Kita nangayo nga mouswag, ug kita nakadawat og mas lapad nga panglantaw ug dugang nga pailub. (David A. Bednar, “Ang mga Tamboanan sa Langit,” *Liahona*, Nob. 2013, 18)

Si Mary Fielding Smith mao ang biyuda ni Hyrum Smith ug inahan ni Presidente Joseph F. Smith. Dihang naay miingon dili niya kayang sundon ang balaod sa ikapulo tungod sa iyang kapobre, siya miingon:

Ihikaw mo ba kanako ang usa ka panalangin? . . . Ako nagbayad sa akong ikapulo, dili lamang tungod kay kini usa ka balaod sa Dios, apan tungod kay ako naglaom og panalangin sa pagbuhat niini. (Mary Fielding Smith, gikutlo ni Joseph F. Smith, sa Report sa Komperensiya, Abr. 1900, 48)